

# Laerskool KENRIDGE Primary Trust

## T852/90

Van Riebeecklaan / Van Riebeeck Avenue, KENRIDGE, 7550 | Tel: 021 976 3046/7 | Fax/Faks: 021 975 1312  
[www.kenridgeprimary.co.za](http://www.kenridgeprimary.co.za)

Every child Every chance Every day | *Elke kind Elke kans Elke dag* | *Wonke umntwana Lonke ixesha Yonke imihla*


Geagte Ouers

### INSKRYWINGS 2023 – PRE-GRAAD R / GRAAD R


1. Dit is vir ons 'n voorreg om die Inskrywingspakket, vir toelating tot ons skool, aan u beskikbaar te stel. Druk asseblief al die betrokke dokumente (Toelatingsvorm, Debietordervorm en Finansiële onderneming). Voltooi, teken en heg al die nodige dokumente aan, en handig dit in by die Laerskool se inskrywingsbeampte. Toelating sal slegs oorweeg word, sodra alle betrokke dokumente voltooi, geteken en ontvang is.
2. Die voltooide Inskrywingspakket moet ons vanaf **Saterdag, 12 Februarie 2022**, maar nie later nie as **Vrydag, 25 Maart 2022**, bereik nie. Indien ons nie in staat sou wees om alle leerders binne die voedergemeenskap te akkommodeer nie, sal die datum van u aansoek in ag geneem word. Moet dus nie wag tot die sluitingsdatum nie. Indien u kind deur ons skool aanvaar word, sal u voor/op 12 April 2022 skriftelik daarvan verwittig word. Alle aansoeke wat na 25 Maart 2022 ontvang word, sal op 'n waglys geplaas word. Slegs beskikbare plekke sal daarna gevul word.
3. As gevolg van die omvang van die skool se voedergemeenskap en uitbreidings binne hierdie area, kan die skool SLEGS leerders akkommodeer wat permanent binne hierdie voedergemeenskap woonagtig is. Neem asseblief kennis dat 'n permanente adres binne Laerskool Kenridge se voedergemeenskap steeds 'n voorvereiste is vir plasing in Graad Een. Aanvaarding in Pre-Graad R en/of Graad R verseker nie noodwendig aanvaarding by die Laerskool, indien u adres nie meer binne ons voedergemeenskap is nie. Sou u buite die skool se voedergemeenskap woon, sal u aansoek op 'n waglys geplaas word. Toelating is dan onderhewig aan 'n plek in die onderskeie klasse. Hierdie gebiede is **Kenridge, Durbell, Durbanville Heuwels, De Bron, Doordekraal, Welgemoed-Noord, Proteavallei, Kanonberg, Welgedacht, Van Riebeeckshof en Oude Westhof**.
4. **Finansiële verpligting:**
  - 4.1 **Intreefooi (nie terugbetaalbaar):** 'n Eenmalige (nie terugbetaalbare) intreefooi van R500,00 per kind. **Neem asseblief kennis dat die intreefooi nie van toepassing is as u kind 'n huidige Kenridge Pre-Primêre leerder is nie.**
  - 4.2 **Pre-Graad R & Graad R Heffing (Basiese Verpligte Heffing):** Die Pre-Graad R & Graad R heffing word jaarliks deur die Trustees bepaal. Tans (2022) beloop die heffings vir Pre-Graad R 26 160,00 per leerder per jaar en R 29 490,00 vir Graad R per leerder per jaar. Hierdie heffings is oor 'n tydperk van 10 maande per aftrekorder betaalbaar (1 Februarie – 1 November). Die betaling van die heffing is verder onderhewig aan die Skoolfooi Insamelingsbeleid. Heffings vir 2023 sal op 'n begrotingsvergadering wat later vanjaar sal plaasvind, hersien word.
5. Indien u aansoek goedgekeur word, sal u en u kind uitgenooi word om 'n Oriëntasiedag by ons skool by te woon. Verdere inligting aangaande Oriëntasiedag en die voorbereiding vir die nuwe jaar, sal deel uitmaak van u aanvaardingsbrief.

Ons vertrou dat u kind se leerervaring by Kenridge gelukkig en opvoedkundig stimulerend sal wees. Indien u enige verdere sake aangaande u kind met ons wil bespreek, sal ons u met graagte ontvang.

Die uwe



L. du Plessis  
Hoof van Pre-primêre Skool Kenridge



S. R. Smith  
Skoolhoof  
Laerskool Kenridge

